



## ZAPISNIK

sa 2. sjednice vijeća roditelja za školsku 2018/2019. god.

**Datum:** 21.02.2019.god, 18,00 h, prostorije škole

**Prisutni:** 13 predstavnika

**Odsutni:** Jašar Admira (I2), Korjenić Rabija (II1), Šabić Dalila (VI1), Radončić Fikret (VII3), Ećo-Višnjić Sonja (VII2), Salman Hajrudin (IX1), Brajlović Adaleta (IX2)

Sjednicom predsjedava predsjednik vijeća roditelja Amra Viteškić.

Sjednici takodjer prisustvuje direktor škole Vahid Čustović.

Zapisnik vodi Bakaran Suvada.

## DNEVNI RED

1. Usvajanje Zapisnika sa prethodne sjednice Vijeća roditelja
2. Upoznavanje članova Vijeća roditelja sa aktivnostima iz GPRŠ/Razvojni plan
3. Analiza uspjeha u učenju i vladanju na kraju prvog polugodišta školske 2018/2019. godine sa posebnim osvrtom na izostanke
4. Prijedlozi mjera na poboljšanju uspjeha
5. Saradnja škola - lokalna zajednica - vijeće roditelja i zajednice u kulturnoj i javnoj djelatnosti – prijedlozi, dosadašnja saradnja
6. Pomoć u rješavanju socijalnih problema
7. Aktuelna problematika – predlaganje konkretnih mjera za postizanje što boljeg i sretnijeg okruženja u školi
8. Tekuća pitanja

### AD-1

Zapisnik sa prethodne sjednice jednoglasno usvojen. Prihvaćen prijedlog da se zapisnici sa sjednica vijeća roditelja redovno objavljuju na web stranici škole, čime bi se osigurala transparentnost rada vijeća i jednostavniji pristup informacijama svim roditeljima.

### AD-2

Direktor škole upoznao o **aktivnostima iz GPRŠ:**

- Učenici uključeni u izradu GPŠ, dali doprinos idejama prilikom obilježavanja Dana škole;
- Kontinuirano se radi na prevenciji maloljetničke delikvencije na nivou odjeljenja kao i individualno u skladu sa potrebama;
- Prati se rad učenika i nastavnika;
- U 20 sekcija aktivno 360 učenika;
- Pojačano dežurstvo nastavnika osigurano u periodu nastale sigurnosne situacije, slučaj "Gačić";

- Realizovana škola plivanja za 4 razrede, škola skijanja za 6 razrede, dok će se sa školom planinarenja nastaviti u proljetnom dijelu školske godine. Zabilježene su pozitivne reakcije na ponašanje učenika škole u toku sprovedjena ovih aktivnosti;

### AD-3

Direktor škole je upoznao vijeće roditelja sa **uspjehom učenika** u prvom polugodištu:

- Praćenje uspjeha učenika digitalizovano i uskladjeno na nivou Kantona;
- Prosječna ocjena na nivou škole je 4.19, što je poboljšanje u odnosu na prošlu godinu gdje je na polugodištu prosječna ocjena iznosila 4.13;
- Od 495 učenika 327 imaju primjerno vladanje imajući u vidu da se prva tri razreda ne ocjenjuju;
- Znatno je smanjen broj neopravdanih odsustva sa nastave u odnosu na prethodnu godinu;
- Prosjek ocjena na kraju godine je uvijek bolji u odnosu na polugodište;
- STEM program- otvorena prva laboratorija u BiH u našoj školi, nastavljena edukacija nastavnika;

### AD-4

- **Koristenje knjiga iz biblioteke:** Ograničen broj knjiga, često se uzete knjige ne vraćaju na vrijeme što predstavlja problem dostupnosti knjiga podjednako za svu djecu, lektire koje se obraduju krajem mjeseca i uglavnom svi iste čitaju u tom periodu, su neki od problem sa kojima se svakodnevno susrećemo. Kako bi se prevazišao problem predloženo je sljedeće:

- Roditelji trebaju uticati na djecu i razvijati osjećaj odgovornosti da se knjige na vrijeme čitaju i vraćaju u biblioteku kako bi svima bile dostupne;
- Pokrenuta je akcija doniranja knjiga/lektira za biblioteku. Predsjednik vijeća roditelja će obezbijediti spisak knjiga i isti će biti dostavljeni roditeljima. Akcija je na dobrovoljnoj osnovi ali su svi roditelji pozvani da učestvuju time što će iz svoje kućne biblioteke donijeti knjige ili na neki drugi način obezbijediti dodatne knjige. Budu li bilo viška doniranih knjiga iste će biti prosljedjene nekoj drugoj školi.

- **Analiza loših rezultata na testu:** U slučaju da se desi da testiranje iz nekog predmeta ima loše rezultate, testiranje se može ponoviti i nastavnici trebaju analizirati zašto je došlo do lošeg usvajanja gradiva.

### AD-5

- Projekat prilagodjavanja toaleta invalidnim licima kreće u realizaciju na raspustu.
- Realizacija projekta ugradnja lifta, kojeg finansira Opština Ilidža, kreće u junu ove godine. Očekuje se završetak svih radova do početka naredne školske godine.

### AD-6

Pozvani su roditelji da pomognu u rješavanju problema djeteta koje pohađa našu školu ali još uvijek **nema rješeno pitanje JMB** i svog legalnog statusa. Obzirom da se radi o nešto kompleksnijem problemu, nekolicina roditelja će pokušati zajedno sa predsjednicom vijeća roditelja naći rješenje.

Na inicijativu predsjednice vijeća roditelja odlučeno je da se djeca i roditelji uključe u akciju prikupljanja sredstava za kupovinu kuće za **djecu bez roditeljskog staranja** koja su na smještaju u

domovima za nezbrinutu djecu. Riječ je o **Malom porodičnom domu**, što podrazumijava običnu kuću u običnoj ulici, kapaciteta do 12 djece. Domovi za djecu bez roditeljskog staranja su u fazi transformacije i Mali porodični dom će biti samo jedna od novih usluga i jedina koja podrazumijava smještaj, a sve druge usluge će biti na dnevnom boravku.

Projekat je pokrenula nevladina organizacija "Hope and Homes for Children" (<http://hhc.ba/en/home-en/>) i istu je podržalo kantonalno Ministarstvo obrazovanja te su sve škole u Kantonu uključene. O inicijativi i cijeloj problematici će nastavnici razgovarati sa učenicima a roditelji vijeća roditelja trebaju prenijeti na roditeljskim sastancima. Više informacija o projektu je osigurano putem materijala dostavljenim školama a akcija će biti sprovedena u martu mjesecu ove godine.

#### **AD-7**

Pozivaju se roditelji koji po svoju djecu dolaze pred školu ili autom da uzmu u obzir **gužve** koje se pri tome stvaraju i da svojim primjerom pokušaju uticati da se to ne dešava i da na ulazu nemamo **guranja**. Ipak su sva djeca jednako važna i podjednako trebaju biti zaštićena. Budite pozitivan primjer djeci i drugim roditeljima. HVALA!!

#### **AD-8**

Mogućnost **pristupa ocjenama za prošlu godinu** putem e-dnevnika će biti provjerena i komunicirana na narednom sastanku.

Nije dopušteno **prodavanje knjiga** i literature unutar škole. U slučaju da se to desi direktor škole treba biti odmah obaviješten.

Zapisničar

Predsjednik vijeća roditelja

---

Amra Viteškić